



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za Žalbe i Predstavke

Anr.607/2021

Paneli Zgjedhor për Ankesa dhe Parashtrësia (PZAP), në panelin e përbërë nga gjyqtarët: Zyhdi Haziri kryesues, Milena Đerić dhe Afijete Sada-Gllogjani anëtare, duke vendosur përkitazi me ankesën e subjektit politik Lidhja Demokratike e Kosovës (LDK), dega Novobërdë, paraqitur kundër Avdyl Gashi, kandidat për kryetar komunës së Novobërdës, nga radhët e subjektit politik Lëvizja Vetëvendosje (LVV), dega në Novobërdë, për shkak të vendosjes së posterit në hapësirë publike-tabela orientuese, për Zgjedhjet Lokale 2021, që do të mbahen me datë 17.10.2021, në seancën e panelit të mbajtur me datë 08.10.2021, mori këtë:

V E N D I M

I. PRANOHET e bazuar ankesa Anr.607/2021 e datës 05.10.2021, e paraqitur nga subjekti politik Lidhja Demokratike e Kosovës (LDK), ndaj Avdyl Gashi, kandidat për kryetar të komunës së Novobërdës, nga radhët e subjektit politik Lëvizja Vetëvendosje (LVV), për shkak të shkeljes së Kodit të Mirësjelljes për subjektet politike - vendosja e posterëve për fushatën zgjedhore në hapësirë publike-tabela orientuese të Komunës së Novobërdës, i shqiptohet gjobë në lartësi prej 1,200.00 (njëmijë e dyqind) euro.

II. DETYROHET Subjekti politik Lëvizja Vetëvendosje (LVV), me seli në Prishtinë, që gjobën e shqiptuar si në pikën -I-, të dispozitivit të këtij vendimi, ta paguaj në afat prej 15 ditëve, nga dita e marrjes së këtij vendimi, nën kërcënim e shqiptimit të dënimit shtesë.

A r s y e t i m

Me datën 05.10.2021, subjekti politik Lidhja Demokratike e Kosovës (LDK), me seli në Novobërdë, ka paraqitur ankesë në PZAP, në të cilën pretendon se më datë 04.10.2021, rreth orës 11:00, subjekti politik Lëvizja Vetëvendosje (LVV), ka vendosur posterin e kandidatit të tij për kryetar të komunës së Novobërdës, në tabelën orientuese të komunës, në të cilën ka qenë e vendosur harta e komunave të zonës lindje dhe se për të njëjtin nuk ka poseduar leje. Më tej parashtruesi i ankesës thekson se kjo tabelë është pronë e komunës e cila në bashkëpunim me Bashkimin Evropian-BE, e implementuar nga organizata Care, dhe është e vendosur në udhëkryqin e rrugës Novobërdë.

Parashtruesi i ankesës në mbështetje të pretendimeve të tij, si dëshmi kësaj ankese i ka bashkangjitur edhe katër fotografi të printuara.

PZAP-i me datën 05.10.2021, ka dërguar subjektit politik Lëvizja Vetëvendosje (LVV), kërkesën për përgjigje në ankesë në të cilën i ka kërkuar që të përgjigjet deri me datë 06.10.2021 deri në ora 10:00.

LVV, në përgjigjen në ankesë thekson se më datë 06.10.2021, kanë pranuar ankesën e parashtruesit të subjektit politik LDK, përmes PZAP-it, me shkresën e bashkëlidhur me nr

Anr.607/21 lidhur me kërkesën për përgjigje dhe urdhër për të ndërmarr masat përmiruese për ankesën Anr.607/21. Në përgjigje LVV theksojnë se vërehet posteri i kandidatit për kryetar të komunës së Novobërdës nga radhët e subjektit të tyre politik, se i njëjti është i vendosur në vendin e përshkruar në ankesë. Më tej në përgjigje shtojnë se kanë vepruar sipas udhëzimeve të PZAP-it, duke përmirësuar shkëlqen e pretenduar në ankesë dhe është hequr posteri i lartcekur nga tabela orientuese.

Paneli, pasi që shqyrtoj të gjitha shkresat e lëndës në kuptim të nenit 117 par. 2 të LZP-së, gjeti se:

Ankesa është e bazuar

Nga shkresat e lëndës vërtetohet se subjekti politik LDK, dega në Novobërdë, ka parashtruar ankesë A.nr.607/2021, me datë 05.10.2021, me të cilën pretendon se në rrugën publike përkatësisht në tabelën orientuese të qytetit, në Novobërdë, kanë hasur një poster të kandidatit për kryetar të komunës së Novobërdës, nga radhët e subjektit politik LVV.

Paneli pas shqyrtimit të shkresave, e posaçërisht nga fotot e ofruara si provë nga parashtruesi i ankesës, të cilat gjenden në shkresat e lëndës, në mënyrë të padyshimtë, ka konstatuar se materialet zgjedhore - posteri i kandidatit për kryetar komune nga subjekti politik LVV, është vendosur në hapësirë publike, përkatësisht tabelë orientuese të komunave të zonës lindje, veprim ky që është në kundërshtim me nenin 33 pika b) e LZP-së, e cila përcakton *“Vendosja e njoftimeve, pllakateve dhe postereve, ose përndryshe, vendosja e emrave të tyre ose e sloganeve në lidhje me fushatën zgjedhore brenda ose jashtë ndërtesave publike ose godinave, në apo mbi rrugë publike, në shenjat publike të trafikut, brenda ose jashtë hapësirave ose ndërtesave të zëna ose, ndryshe, që shfrytëzohen nga organizatat ndërkombëtare, ose brenda ose në hapësirat private pa lejen e pronarëve ose shfrytëzuesve”*.

Dhe se fakti që posteri është vendosur në tabelë orientuese të qytetit si i tillë përbënë hapësirë publike që është e ndaluar për tu vendosur materialet gjatë fushatës zgjedhore.

Paneli, vendimin e tij e ka mbështet në dëshmi të qarta dhe bindëse siç përcaktohet me nenin 117 par. 3 të LZP-së, prandaj pretendimet në përgjigje në ankesë nuk u cilësuan me ndikim në meritat e lëndës.

Paneli me rastin e vendosjes se gjobës si në dispozitiv të këtij vendimi, ka marrë parasysh të gjitha rrethanat si në vijim: natyrën e shkëlqes dhe ndikimit të mundshëm të saj në procesin zgjedhor në fjalë, shkallën dhe peshën e shkëlqes, pjesëmarrjen e subjekti politik në zgjedhjet e mëparshme që konsiston në faktin së subjekti politik LVV, ka qenë e njoftuar me obligimet dhe përgjegjësit gjatë procesit të fushatës, shkëlqet e rregullave dhe legjislacionit zgjedhor në fuqi që ka bërë subjekti në fjalë në këto zgjedhje dhe në zgjedhjet e mëparshme në Kosovë që do të thotë se i njëjti është i njoftuar me Rregullat zgjedhore si dhe shumën e fondeve që ka marrë subjekti politik prej Buxhetit të Republikës së Kosovës, për zhvillimin e aktiviteteve lidhur me fushatën zgjedhore. Paneli po ashtu me rastin e përcaktimit për lartësinë e gjobës ka marrë parasysh edhe përgjigjen në ankesë të subjektit politik LVV, të cilës nuk i ka bashkangjitur asnjë fotografi të printuar që të mund të dëshmonte se posteri është larguar dhe

të vlerësohej si ndërmarrje e masave përmirësuese, me qëllim që të ketë ndikim në uljen e lartësisë së gjobës, kur janë vlerësuar të gjitha rrethanat për lartësinë e tillë.

Përveç të cekurave më lartë Paneli, me rastin e vendosjes i vlerësoi edhe të gjitha pretendimet e subjektit politik LVV, në kuadër të pretendimeve të theksuara në përgjigje në ankesë, mirëpo të njëjtat ishin jo relevante dhe pa ndikim për një vendimmarrje ndryshe nga ajo që është vendos.

Nëse subjekti të cilit i është shqiptuar dënimi nuk e paguan të njëjtin brenda afatit të përcaktuar në dispozitiv të tij, atëherë në pajtim me nenin 120.2 të LZP-së, subjektit do ti shqiptohet dënim shtesë. Ky paralajmërim për dënim shtesë është përcaktuar me nenin 120.2 të LZP, i cili përcakton: “ 120.2 Dështimi për të paguar dënimin apo për t’ju bindur një urdhërese të PZAP-it brenda periudhës kohore të saktësuar në vendimin e PZAP-it, është një shkelje tjetër e këtij ligji që mund të sanksionohet me dënim shtesë nga PZAP-i. ”, ashtu siç është vendosur në pikën II të dispozitivit të këtij vendimi.

Paneli në kuptim të nenit 120.1, pika c), dhe nenit 118.1, të LZP-së, vendosi si në dispozitiv të këtij vendimi.

Paneli Zgjedhor për Ankesa dhe Parashtrës

Anr. 607/2021 më datën 08.10.2021



Këshilla Juridike: Kundër këtij vendimi nuk është e lejuar ankesa sipas nenit 118 par. 4 të LZP-së,